

臨縣志卷十二

試署臨縣知事古黔胡宗虞監脩

山西大學校文科學長晉城郭象升審定

兵防畧第五

國之大事在祀與戎祀以交神明既附載教育古蹟而除戎以戒不虞守土者奚容或緩臨爲晉西僻邑似無兵事可志然秦趙相攻藺皋狼爲必爭之地典午以來羌胡割據石趙紛爭官司守禦之策人民流離之狀書缺有間不可得詳明末西賊破城清初平寇犯境洎乎咸同陝匪甘回肆其猖獗河西數十郡縣烽火相望議戰議守幾費經營民國肇造沿河會匪屢肆劫掠臨與一河之隔危如累卵幸防禦有方獲免蹂躪雖然厝火積薪未然斯懼殷

臨縣志

卷十二 兵防

鑒不遠來軫方適舊志畧紀兵防今增述之巡警軍電依類相屬而以古時營舖附見焉

明崇禎二年流賊王家胤攻縣城三日未下

王家胤府谷人崇禎二年二月十四日率賊黨多人渡河圍攻縣城三日未下四出劫掠東走離石

五年西賊張有義王之臣先後犯境破城縣官出走

五年春西賊張有義賀宗漢號活地草渡河據臨汾州參將劉光祚

遊擊王尙義敗賊於臨境尋爲賊所乘全軍覆沒十一月十八日流賊王之臣即豹五更破縣城蹂躪全境縣官逃走巡撫許鼎

臣總督張宗衡督兵攻賊賊與土寇田福田科等相犄角久不拔會鼎臣還會城六年春正月二十日賊約福刼官軍撫標中

軍陳國威僞稱之臣往迓福遂斬福頭懸城下急擊之賊始降  
參將劉光祚數敗賊於縣境石州撲天虎等詐降設伏斬之王  
之臣轉入赤洪嶺巡撫許鼎臣冀南道潘光祖總兵張應昌及  
參將劉光祚合兵進勦豹五及閻正虎上天龍邢滿川等離境  
遠竄七年土寇乘間起事三關王剛孝義通天柱臨縣王之臣  
皆殘破城邑之劇寇也後見賊衰相繼歸順然陰結黨羽不散  
巡撫戴君恩新視事謀誅之正月迎春召王剛宴殺之並殺通  
天柱於他所而副總兵艾萬年克復臨縣捕殺王豹五與其黨  
領兵王生擒翻山動姬關鎖掌世王共斬四百二十九人晉西  
巨盜略盡

七年岢嵐賊高加討馬上舞三十斤長挺掠臨縣

臨縣志

卷十二 略 兵防

一

八年三月參將虎大威擊殺高加討於忻代山中賊平

縣民宋騰高鄭家灣人當西賊王家胤岢嵐賊高加討等犯臨到  
處劫掠合邑幾無完土騰高與村人依山爲寨賊雖頻來窺伺  
終不敢犯該村人賴以全活者甚衆事平後劇貲立碑以誌宋  
氏功德云

謹案明末十餘年間兵災歲歉民不聊生舊縣志修於清初  
距崇禎末不及百年而於當日擾亂流離之狀況竟未記載  
本志所列僅據省通志汾志擇錄宋騰高事則見於鄭家灣  
廟碑

清順治六年流賊姜瓖餘黨平德圍攻縣城知縣張耀祖死之  
府志榆林賊平德圍臨縣防兵背城力戰老營堡副將羅映壇

由北路南下汾州叅將甯獻功踰漢高山西來合攻大破平德張再元賊遁走

舊縣志平德之變孤城失守知縣張耀祖死難縣尉王之佐忠憤激烈急圖恢復因率領民兵奔赴趙家寨賊衆追及犯寨之佐拒戰卒以衆寡不敵被執義不爲屈罵賊而死時有張小亭者亦嘯聚羣盜到處劫掠糜爛不堪兼以縣治無主文報不通隣封誤會張皇其詞以臨縣民變聞於上撫帥飭兵來勦邑人聞警束手無策有恩貢生李太冲者安業都人素明大義商之城中諸搢紳各出私蓄符縣中錢糧額數立時起解道逢大隊於金鎖關主帥詢悉曰是流賊非民變也止兵不前遣偏裨領二三百兵勦亂安民噫使當日無太冲臨危濟變之策則火炎

臨縣志

卷十二 略 兵防

三

崑岡玉石俱焚臨將不得爲臨矣故特揭之

同治元年狃寇猖獗西河戒嚴磧口團練防堵

陝西自咸同間捻匪退散狃匪鴟張三輔千里半成焦土延榆一帶處處揭竿勢成燎原號稱十八大營董福祥高木匠其大股也盤據陝北各州縣賊來則相搏賊去則蠶食汾州迤西之四州縣即古之西河郡屬地正當其衝時山西巡撫英桂奏派徐太僕繼畬時因四川考官被議歸田主講平遙書院總辦全省團練防堵陝寇徐太僕舉磧口通判汪韶光爲沿河團練總辦永甯李鎮軍能臣臨縣張協戎從龍二公皆罷官家居磧口爲臨永分轄之地即派張君駐磧口李君駐軍渡幫辦防堵沿河一帶聲勢相聯上下策應又恃黃河天塹之險幸獲無虞然十數年中賊盜之奔

突兵勇之潰變難民之逃竄當事諸公籌備艱難保全大局之功有不可湮沒者因並誌之

磧口通判汪韶光字春埜廣東三原里奇士也咸豐間英吉利攻廣州韶光練民團拒之截殺英兵數百並英將伯麥乃破三十萬家資僅得一通判分防磧口徐繼畬稔其能故舉爲沿河一帶團練總辦遇事勇決調度有方全晉賴以安全

離石李能臣字子廉歷任雲南總鎮臨縣張從龍字子雲以第一人出身歷任閩浙協戎同治初元均罷職里居經派幫辦防堵沿河十數渡口西賊屢次臨河兩公因地利察敵情或開炮轟擊或設伏制禦俾耽耽欲逞之匪無隙可乘故當時河西一帶府神葭吳焚掠時聞屍骸遍野而河東各縣安堵如常皆兩

公保障之力也先是防河兵勇分紮各渡者以萬計多髮捻餘匪時思內變因暗結土棍劉中滿等布散訛言煽惑圖變兩公偵得其情立拿劉中滿陳俊儀柴奉孔訊實請命正法兵勇莫不股慄此可見兩公之紀律嚴明矣同時劉仲鰲者甯鄉軍渡人也當西賊爭渡防務喫緊之際軍糧缺乏兵勇藉口乏餉勢將出掠且謀內變統領某因餉缺不能用命延商紳富戶借款咸膜視之統領某將欲自刎適仲鰲來磧請見統領語以故仲鰲慨然以募餉自任一呼四應登時發給月餉且增其數軍律爲之稍整遂誅倡亂者三百餘人人心大定仲鰲非臨人然當此危急存亡之秋見義勇爲其功德之在臨實非淺鮮因附于此以存義士梗概焉

光緒二十五年拳匪肇亂知縣孔繁昌被誣落職

是年春拳匪起於山東撫臣毓賢奉檄調晉遂蔓延山西毓賢於五月十三日手屠教士教民一百七十餘人於撫署之轅門又前曾飭令各州縣習拳仇教時知縣孔繁昌習知外情雖被嚴飭終守保護條約並未傷害教民迨聯軍犯闕解嚴議和山西巡撫岑春萱再四磋商認賠款一百七十萬結本省教案除毓賢議置重典外州縣罷誤褫職者二十餘員繁昌被教民暗傷亦廁其列聞者莫不冤之經紳民懇辨始准捐復

宣統三年辛亥冬三交民團拿獲潰兵二名槍斃

是年八月十九日武昌起義山西省城於九月初八日響應獨立十一月二十二日娘子關失陷遊匪四起離石北川被劫由

臨縣志

卷十二 略 兵防

五

峪口竄臨者九人持鎗跨馬自車干溝達三交意在劫掠幸三交商民各團早已有備該匪等見勢難犯即思遠遁竟被民團拿獲二人餘鳥獸散並將鎗械馬匹全行拋棄陝西會匪蜂起榆林知府逃臨屢來追探亦見民團防嚴不敢東渡時知縣朱煒分撥巡警防河所費頗鉅事前奉令准作正開消後竟中梗地方獲益長官受累亦事之極不平者也

民國元年壬子山西兵事大定惟土匪劫掠之案時有所聞臨縣無兵事

五年袁氏稱帝改元洪憲雲貴等省反對南北交兵相持數月陝西會黨又四出劫掠沿河戒嚴

是年四月陝西潰兵土匪肆擾北川宜君延川等縣相繼失守

匪已北至綏德米脂境內距河不遠勢欲東渡臨境戒嚴一夕數驚知事胡宗虞飭巡官劉翰池賀緝熙莫俊升等帶警分三路防守將西岸船隻拉移東岸並飛請陸軍駐防趕辦本城三交磧口及沿河各村商團民團協助防賊匪乃西去七月商軍要求東渡同時來匪約千人一駐吳堡之寨子山一駐螞蚧峪刁斗相聞陝民之被淫掠者哭聲震天臨隔一河惶恐萬狀謠言四起居民強半遷移知事胡宗虞親巡河防復飭巡官賀緝熙帶警及磧口商團移船東岸晝夜防守露宿二十餘日匪不得渡臨賴以安是役也磧口縣佐王樹仁警佐焦學堂及巡官賀緝熙等均由知事呈准給獎

謹案磧口鎮臨縣之門戶也縣境萬山羅列惟湫水由磧口

臨縣志

卷十二 略 兵防

六

達河磧口雖無津渡而沿河渡口十三處必須取道於此故每遇陝北告警臨首當其衝磧實扼其要歷來辦理團防必以磧口爲關鍵督師者坐鎮於此各渡分紮防營嚴防偷渡不時周巡緝拿姦宄俾賊盜無隙可乘不得長驅直入臨無事則晉無事矣

巡警

縣城巡警局清光緒三十二年冬知縣侯紹宣奉飭創立設管帶一員考取崗警三十名以城內普化寺育嬰堂爲駐紮地址月計薪俸餉餼公費需制錢二百餘千均在地方斗捐項下支領宣統三年奉飭改巡警局爲警務公所改管帶爲警務長增巡兵爲五十名民國元年飭改警務公所爲警察事務所警務長

仍舊添設巡官一名移駐舊城守司城守營三年冬奉飭改警察事務所爲縣警察所以縣知事兼充所長改警務長爲警佐巡官仍舊警佐承所長之命令辦理關於警察一切事宜所內俸餉公費每月約支制錢三百四十餘千又民國二年冬在磧口鎮添設警察分所分隸離臨兩縣各委巡官一人臨縣派警兵八名每月由公署發給警費制錢五十千

權限 管帶警長在警章範圍內一切准自由設施不受縣知事抑制警佐巡官純係佐貳性質並無特權

職務 城內擇衝要地點九處設崗樓各一每崗派警一名輪流駐防城外除磧口特設分所常川駐紮防禦外其他如三交白文等鎮當冬防吃緊時每鎮派警五名按日更換以慎防守

## 臨縣志

卷十二 略 兵防

七

而均勞逸

電綫

民國五年六月十六日奉督軍令在縣城隍廟設軍用電話分局以督署爲總局分布黃河沿岸各縣縣境電線由興縣侯塢村起逕縣城達磧口鎮境內計程共一百七十五里電杆一千一百一十九根由總局安設縣城磧口均派專員駐辦傳報軍事

慎固河防

民國六年春磧口設商用電報局由平遙逕汾陽離石入縣境至磧口鎮公署要務亦藉以傳遞焉

古兵防附

錄舊志

營房 明天啓間召募民兵五十名崇禎時又添民兵五十名

作二隊工食取給於本縣均徭內清順治四年定經制去民兵有警派兵防守事平撤回康熙十三年汾營參將歲遣百總一員兵丁十名更迭防守傳塘報通聲息護解送初借寓民居後設營房於縣治東北隅湫隘難容二十四年知縣莫友仁購民間空地拓擴基址分爲二所一所正房三間一所東三間西二間

演武亭 舊臨河構一小廳年久傾圮明時知縣張問行改建於南郭之東砌臺三尺建正廳廚房側房墻垣時知縣常時芳集鄉兵操練於此崇禎五年爲賊焚毀其基半爲豪強所占清康熙年知縣莫友仁查明清出其地畝見各空基圖內

墩臺 縣南北二路舊有墩臺十九座接傳烽火明時以縣隸

臨縣志

卷十二 略 兵防

各省衛所土軍一千四百六十二名使之更番守望後值豹五之變盡爲所毀清順治六年平德變後奉憲令設置或五里或十里不等擇高阜處所碁布星列雖多廢壞基跡猶存

堡寨 三交寨 城南五里 鐘底寨 七十里 堡則峪 城西一百里 曲峪寨 一百里

五開陽寨 杏林莊 堡則城 同里一百一十五里 第八堡 一百一十五里 白文鎮

城北六十里

鋪遞 在城鋪 安業鋪 城南十里 關王鋪 二十里 佛堂峪鋪 三十里

三交鋪 五十里 桃源鋪 七十里 陳庄鋪 城北二十里 廟坪鋪 三十里

白文鋪 六十里 陽坡鋪 八十里 東白塔鋪 城西四十里 兔兒坡鋪

八十 剋虎寨 西通陝西葭縣

謹案營房以下皆建置以資守禦者今皆有名無實而仍附

志未俾後之覽者審革知因抑亦存古之意也

臨縣志

卷十二  
略  
兵防

九